

**Malaysia haramkan eksport pasir laut – Xavier
Astro Awani
04 Julai 2019
Harits Asyraf Hasnan,**

KUALA LUMPUR: Malaysia memutuskan untuk tidak membenarkan pengeksportan pasir laut ke mana-mana negara.

Menteri Air, Tanah dan Sumber Asli, Dr Xavier Jayakumar berkata, Kabinet memutuskan bahawa perlombongan pasir di Malaysia hanya untuk kegunaan tempatan.

Namun, ia masih boleh dieksport ke negara lain menerusi kelulusan khas Perdana Menteri, Tun Dr Mahathir Mohamad.

"Kabinet sebelum ini putuskan Perdana Menteri sendiri perlu luluskan. Ia tidak berubah, sama seperti kerajaan sebelum ini," katanya di lobi Parlimen, hari ini.

Sebelum ini, media melaporkan bahawa Malaysia, yang merupakan sumber terbesar pasir laut Singapura, mengharamkan eksport komoditi itu ke republik berkenaan.

Ia sekaligus dilihat akan menjejaskan pembangunan pelabuhan mega di Tuas yang bakal menjadi terminal kontena terbesar di dunia.

Xavier pada masa sama menegaskan keputusan kerajaan itu tidak akan menjejaskan hubungan Malaysia dengan mana-mana negara termasuk Singapura.

© 2019 Astro Awani Network Sdn. Bhd.

(535275-D) All Rights Reserved.

Source: <http://www.astroawani.com/berita-malaysia/malaysia-haramkan-eksport-pasir-laut-xavier-211846>